



OFISI YA RAIS - TAWALA ZA MIKOA NA SERIKALI ZA MITAA
HALMASHAURI YA MANISPAA IRINGA

SHULE YA SEKONDARI MAWELEWELE

S. L. P 459, SIMU 0767425759
IRINGA - TANZANIA

Kumb . Na. IR/MAWSS/JIN/2021

Mwanafunzi mpendwa,

Shule ya Msingi

YAHUSU : MAELEKEZO YA KUJIUNGA NA KIDATO CHA KWANZA 2021

A. UTANGULIZI:

Ninakupongeza sana kwa kuchaguliwa kujiunga na shule yetu. Nafasi hii umeipata kwa sadaka ya wananchi na Taifa, si kwa uwezo wako tu. Uitumie kwa bidii, uaminifu na shukrani kubwa. Aidha unapaswa ujue na kukumbuka kila mara kuwa wewe sasa unaandaliwa kwa namna ya pekee kulitumikia Taifa, jamii na wewe mwenyewe kwa ufanisi mkubwa zaidi.

Shule hii ipo umbali wa km.4.6 upande wa magharibi kutoka Iringa mjini kuelekea ofisi za mkuu wa wilaya mtaa wa Kigamboni na inapakana na kituo cha watoto yatima cha Huruma Centre na chuo cha Biblia cha Amani (Anglican). Usafiri wa Bajaj kutoka mjini unapatikana katika stendi ya Bajaj ya MR nauli ni sh. 500/=

Moto wa shule yetu ni "AMANI NA MAENDELEO" na mbiu yetu ni "PIGA VITA UJINGA, KUBWETEKA, MAFARAKANO NA MASHAKA". Tukiwa na kauli hizi mbili kama kiini cha dira yetu tunategemea utakuwa mwanafunzi mwelekevu, hodari, mchangamfu na mzalendo daima uwapo mmoja wa Wanamawelewele popote pale. Mawelewele ni shule yako, kaka yako, dada yako, baba yako, tena ni mama yako, msikilize, mheshimu naye atakuletea mafanikio ukachanue.

Shule itafunguliwa siku ya J'tatu tarehe/01/2021. **Ripoti shuleni saa 2:00 asubuhi ya tarehe 04/01/2021 ukiambatana na mzazi halisi au mlezi wako bila kukosa.**

Shule yetu inafundisha masomo yafuatayo vidato vya kwanza (I) mpaka nne (IV): Civics, History, Geography, Kiswahili, English, Physics, Chemistry, Biology, Commerce, Book-keeping na Basic Mathematics. Kadhalika tunafundisha Dini kadiri ya dhehebu la mtoto na vipindi vya ushauri nasaha ambavyo hufanyika pia nje ya saa za masomo.

Shule yetu ni ya mchanganyiko, wasichana na wavulana kuanzia kidato cha kwanza hadi sita na ni ya kutwa ambayo imejengwa kwa nguvu za wakazi wa Manispaa ya Iringa chini ya Uongozi wa Halmashauri yake. Wazazi na wanafunzi ni tegemeo kubwa katika kuboresha mazingira ya kujifunza kwa sababu hiyo ushiriki wao kwa hali na mali unahitajika mara kwa mara.

B. MAHITAJI MUHIMU:

1. Mahitaji muhimu ya darasani ni pamoja na madaftari makubwa 20, kibweta cha Hisabati, English Dictionary (English to English) na kalamu za wino na risasi za kutosha.
2. Picha nne za passport size za rangi (zilizopigwa ndani ya miezi sita)
3. Nakala ya cheti cha kuzaliwa.
4. Vifaa vya kazi za nje: **WAVULANA:-** Jembe lenye mpini na kwanja moja, **WASICHANA:-** Jembe lenye mpini, ndoo ya lita 10 na fagio moja ya chelewa
5. Spring/flat file moja (1) hatupokei box file kabisa.
6. Rimu moja (1) ya karatasi nyeupe A4 (yenye karatasi 500)
7. Unapaswa kuja na fomu zilizoambatanishwa na barua hii zikiwa zimejazwa kikamilifu ambazo ni:-
 - A. Fomu ya uchunguzi wa afya (Medical examination Form) ambayo itajazwa na mganga mkuu wa hospitali ya serikali.



B. Fomu ya maelezo binafsi kuhusu historia ya mwanafunzi na kukiri kwa mzazi/mlezi kukubaliana na sheria, kanuni, kulipa michango mingine na maelekezo mengine yatakayotolewa na shule.

C. Fomu ya ahadi ya kukubali mabadiliko ya adhabu

C. SARE ZA SHULE

Kila mwanafunzi anatakiwa kuwa na sare kama ifuatavyo:

1. Mashati mawili meupe ya tetron ya mikono mifupi kwa wote. Yawe na mshono wa kawaida na mfuko mmoja.
2. Viatu vyeusi vya ngozi jozi mbili vyenye visigino vifupi vya **kufunga na gidamu** kwa wote.
3. Soksi jozi tatu. Wasichana rangi nyeupe na ndefu na wavulana rangi nyeusi.
4. Kwa wavulana wawe na mkanda wa ngozi mweusi usio na marembo yoyote zaidi ya weusi.
5. T-shirt ya njano yenye nembo ya **Mawelewele Sekondari** (unaweza kununua katika duka lililopo shuleni) na **“Truck suit”** rangi ya **“Light blue”** isiwe ya kubana
6. Sketi mbili kwa wasichana urefu chini ya goti **HADI USAWA WA VIATU** zenye rangi ya ugolo (brown) na linda box mbele na nyuma. Kwa wavulana suruali mbili rangi ya ugolo [brown] pana zenye malinda mawili na turn up na isiwe nyembamba ya kubana kufuata mwili. NB. **ni vema ununue kitambaa namba moja (1) chenye ubora wa kuridhisha na kisichopauka upesi.**
7. Kwa wasichana wa kiislam, wataruhusiwa kuwa na Hijabu nyeupe na watashona suruali pana ya heshima itakayovaliwa pamoja na nusu kanzu nyeupe.
8. Kila mwanafunzi anapaswa kuwa na mavazi ya michezo raba nyeupe, Bukta na T.shrt.
9. Sweta rangi ya bluu [makoti na jaketi hayaruhusiwi]
10. Vifaa vyote hivi vitakaguliwa siku ya usajili.

D. USAFI BINAFSI:

Mwanafunzi awapo popote anategemewa kuwa msafi, kimwili, kimawazo na kimatendo. Achane nywele zilizoniyolewa kwa mtindo wa kawaida sio kwa mitindo ya mitaani. Atumie lugha ya kiungwana na daima ahakikishe kuwa hawi kero kwa wenzake. Mwanafunzi haruhusiwi kupaka rangi kucha, kuacha kucha ndefu, kusuka nywele na urembo wa aina yoyote kwa muda wote awapo shuleni.

E. ANGALISHO NA SISITIZO:

Shuleni ni mahali pa kujifunza. Ni mahali pa kujipatia stadi njema, kujijengea utu wema na kujisomea. Kila mwanafunzi anapaswa kuhudhuria vipindi vyote na kutekeleza maagizo na maelekezo ya walimu na walezi wake kikamilifu na kwa wakati. Aidha azingatie kuwa **lugha rasmi ya mawasiliano shuleni ni kiingereza**. Ratiba ya shule huanza saa 1.00 asubuhi na kuishia saa 9.30 kila siku isipokuwa siku ya Ijumaa huishia saa 6.30 mchana kutoa nafasi kwa swala ya Ijumaa kwa Waislamu. Wengineo wanaweza kuendelea hadi saa 9.30 kwa maelekezo ya walezi wao wa Dini. Aidha jioni kwa siku muafaka kutakuwa na michezo na shughuli mbalimbali za elimu kwa vitendo kwa madarasa na vikundi mbalimbali hadi saa 11.00 jioni kadri itakavyopangwa na walimu husika.

Karibu sana na ninakutakia masomo mema.

Ni mimi mlezi wako ambaye daima niko,

“KWA MAFANIKIO BORA ZAIDI YA VIJANA”

.....

B. E. MBUNGU
MKUU WA SHULE

OFISI YA RAIS - TAWALA ZA MIKOA NA SERIKALI ZA MITAA
HALMASHAURI YA MANISPAA IRINGA

SHULE YA SEKONDARI MAWELEWELE

S. L. P 459, SIMU 0767425759
IRINGA – TANZANIA

IR/MAWS/64/2

Mwanafunzi mpendwa,
Shule ya Sekondari Mawelewele,
S.L.P. 459,
IRINGA.

SHERIA ZA SHULE

Binadamu wakaapo pamoja huwa wana lengo maalum. Taasisi ya elimu kama yetu ina malengo mahsusi ili kuyafikia malengo hayo hakuna budi kuwa na utaratibu wa kuufuata. Kwa minajili hiyo mwanafunzi yeyote wa shule hii anapaswa kutekeleza yafuatayo sambamba na desturi nyingine za waungwana wa kitanzania.

A. MAHUDHURIO NA KUTHAMINI MUDA:

Kila mwanafunzi anapaswa kuthamini muda na kuwapo mahali anapotakiwa kwa wakati kwa mujibu wa taratibu zilizowekwa.

1. Kuwahi kufika shuleni na kuwa mstarini saa 1:00 asubuhi kila siku ya masomo.
2. Kuhudhuria vipindi vyote vya siku. Sababu za kuondoka katika kipindi hazihalalishi kukosa kwako somo na zinaiba wakati wako.
3. Kuhudhuria mikutano, semina, warsha na makongamano yote yale yanayoandaliwa na kuidhinishwa na uongozi wa shule.
4. Kutambua na kuitika mara moja miito mbalimbali halali ikiwa ni pamoja na ile ya dharura. Ni mwiko kumpa kisogo mwalimu pale unapoitwa au kutakiwa kufanya jambo lolote. **Amkimbiaye mwalimu hukimbia elimu na busara akheri asingalijiunga nasi.**

B. HESHIMA NA ADABU

Mwanafunzi anapaswa kudhihirisha adabu na heshima kwa wote na popote pale anapokuwapo na hivi yampasa:

1. Kuwathamini na kuwaheshimu wanafunzi wenzake wote na wale wote wanaomzidi umri. Aonyeshe unyenyekevu mbele ya wakubwa na kuwastahi watu wote na hasa wale anaodhani na kuona amewazidi kwa namna moja au nyingine.
2. Kusimama na kumsalimu mwalimu na mtu yeyote hasa anayekuzidi umri anapopita, unapompita au unapoingia mahali alipo.
3. Kutumia lugha nzuri wakati wote.
4. Kuthamini na kuheshimu kazi zote kisha kuonyesha ushirikiano na wenzio kazini.
5. Kuheshimu mali yake na ya mwezie na hasa ya umma. **Kumbuka hakuna kitu kisichokuwa na mwenyewe.**
6. Kunyosha mkono unapoomba, kuuliza au kujibu swali.
7. Kukaa kimya darasani na kutoka mahali ulipo kwa ruhusa ya mwalimu au kiongozi aliyepo. Mizaha mingi na vichekesho visivyohusiana na somo hupoteza muda na kuvuruga fikara.
8. Kuacha kabisa tabia za kihuni na potofu ikiwa ni pamoja na
 - Kuvuta sigara, kutumia vileo kama pombe na madawa ya kulevya.
 - Kufuga kucha ndefu, kufuga ndevu na nywele ndefu
 - Kuvaa mavazi yasiyo ya heshima na yanayobana mwilini.
 - Kuvaa nguo chafu zilizochanika na zinazokera wenzio pia kutooga, kutopiga mswaki na hivyo kutoa harufu mbaya
 - Kugombana, kusema kwa jazba na kudharau hata kwa kukonyeza tu.

- Kuendekeza vitendo vya ngono na viashiria vyake kama kupapasana, kukonyezana na kuandikiana barua za mapenzi. Kujiingiza katika vitendo vihusianavyo na hayo huhamisha mara moja juhudi zako katika masomo na kusababisha anguko la ghafla kitaaluma.
- Wizi, utapeli, kamari.

C. MATUMIZI YA SARE NA KITAMBULISHO CHA SHULE

Kila mwanafunzi kama ilivyo kwa kila mtu anapaswa kuwa na kitambulisho na kutembea nacho popote aendapo. Hiyo ni tabia njema ambayo kila muungwana anapaswa kupalilia na kuijenga. Kutokuwa na kitambulisho rasmi kunasababisha usumbufu mwingi. Mwanafunzi una haki zako za msingi za kiupendeleo katika jamii jitambulisho mara moja utendewe ipasavyo. **Kitambulisho kitatumika wakati wote na hasa wakati wa mitihani yote ya ndani na ile ya nje.**

Unapaswa kuwa na sare ya shule kwa mshono uliokubalika na kuivaa kila wakati unapopaswa kama vile wakati wa masomo, safarini kwa jina la shule, wakati wa kwenda popote kwa ruhusa ya shule na kunako maandamano yaliyoruhusiwa na uongozi wa shule. Wakati wa michezo washangiliaji wavae vazi rasmi na wachezaji wawe katika sare za michezo.

D. MIPAKA YA SHULE NA MAENEO MARUFUKU:

Kila mwanafunzi anapaswa kufahamu fika mipaka ya shule na kutoivuka awapo shuleni. Kadhalika atambue vema maeneo marufuku kwake na ajali kutoyatembelea kwa manufaa yake. Pasi maalum itatolewa na Makamu wa Mkuu wa Shule au Mwalimu wa Malezi ikibidi wewe uivuke au uingie katika maeneo hayo. **Kila ruhusa itaripotiwa kwa Mwalimu wa zamu kwa idhini ya mwisho ya kuondoka shuleni.**

Kwa kutekeleza hayo wanafunzi wasiende bila kibali sehemu zifuatazo

- Ofisi na nyumba za walimu na wafanyakazi
- Maabara, Bohari na Maktaba

Aidha hairuhusiwi kwa mwanafunzi kutembelea maeneo marufuku ikiwa ni pamoja na:

- Vilabu vya pombe na mabaa
- Play stations (PS) na sehemu zinazoonisha picha za ngono mitaani.
- Majumba ya starehe na kumbi za muziki/dansi.
- Majumba ya kufikia wageni bila kuandamana na mlezi/mzazi halali

E. MAKOSA YANAYOSABABISHA MWANAFUNZI KUFUKUZWA SHULE:

Yafuatayo ni baadhi ya makosa yanayoweza kusababisha mwanafunzi kufukuzwa shule ikiwa ni pamoja na makosa yote ya jinai

- Wizi, kuharibu kwa makusudi mali ya umma.
- Kutohudhuria masomo kwa zaidi ya siku 90 bila taarifa (Utoro sugu)
- Kugoma ama kuhamasisha mgomo.
- Kutoa lugha chafu kwa wanafunzi wenzake, walimu/walezi na jamii kwa ujumla.
- Kupigana mwanafunzi kwa mwanafunzi, kumpiga mwalimu au mtu yeyote yule.
- Kusuka nywele kwa mtindo usiokubalika. Wanafunzi wote wanatakiwa kuwa na nywele fupi wakati wote wawapo shuleni.
- Kufuga ndevu.
- Ulevi au unywaji wa pombe na kutumia au kuuza madawa ya kulevyaa.
- Uvutaji wa sigara.
- Uasherati, uhusiano wa jinsi moja, kuoa au kuolewa.
- Kupata au kusababisha mimba na au kutoa mimba.
- Kushiriki matendo ya uhalifu, siasa na matendo yoyote yale yanayovunja sheria za nchi.
- Kutembelea majumba ya starehe na nyumba za kulala wageni.
- Kumiliki, kukutwa au kutumia simu ya mkononi katika mazingira ya shule.



- Kudharau bendera na alama za Taifa
- Kufanya jaribio lolote la kujiua, au kutishia kujiua kama kunywa sumu n.k.
- Makosa madogo madogo yanayorudiwa rudiwa kila mara

F. USHAURI MAALUM:

1. Daima jenga urafiki na wanafunzi wanaopenda kusoma, waepuke wakorofi.
2. Jenga tabia ya kujisomea kila upatapo nafasi, huo ndio msingi mzuri wa mafanikio. Zingatia pia kupumzika vya kutosha hasa kupata usingizi angalau kwa masaa manane kila siku.
3. Soma vitabu na makala mbalimbali zikiwamo za kujifurahisha pia upate kupanua mawazo na lugha. Shiriki katika mijadala, midahalo na angalia filamu za kujielimisha kadhalika redioni. Epuka picha potofu kimaadili zitakushawishi na kukuathiri, kadhalika soma vitabu na makala za kiungwana. Si kila andishi linafaa.
4. Palilia moyo wa kuridhika na kile unachopewa na wazazi/walezi wako. Acha kuwa mtu wa simanzi na mlalamishi. Kula vya kutosha kile kinachopatikana, usichague chakula wala mavazi. Kumbuka padogo pako sio pakubwa pa mwenzio!
5. Wathamini na uwe na imani na walimu wako wanaokufundisha darasani. Uwapo na maswali, mashaka na wasiwasi omba maelezo na maelekezo toka kwao.
6. **“Tuition”** ni ugonjwa mbaya. Unakubwetesha. Zingatia kuhudhuria na kushiriki vema vipindi darasani. Daima fanya kazi zako kwa makini na kwa wakati, usiache viporo. Walimu wako ndio wenye dhamana ya kukuelimisha watumie.
7. Somo la jana ni msingi wa somo la leo. Rudia kulipitia hadi ulielewe kabla hujaingia kipindi kipya.
8. Kuwa mtu wa sala. Sala ni silaha kubwa. Mche Mwenyezi Mungu naye atakujaza na kukupatia amani na utulivu kwa masomo yako. Vijana wengi wanashindwa maishani kwa kutomcha Mola. Kumbuka kumcha Mungu ni chanzo cha maarifa.
9. Daima pania kuvuka maksu ulizopata awali, usiridhike nazo wala zisikukatishe tamaa. Kila somo linasomeka, usiwasikilize wazembe wanaodai kuwa masomo mengine ni magumu. Wengi hupata A katika masomo hayo hayo, sembuse wewe uliyeshinda na kuchaguliwa kuingia hapa shule yenye walimu mahiri, vitabu vya kutosha, mazingira tulivu na vifaa vingi vya kujifunzia
10. Walimu wote, wafanyakazi wa hapa na Uongozi wa shule upo hapa kwa ajili ya MAFANIKIO BORA ZAIDI YAKO WEWE KIJANA. Watakujali na kukusikiliza kwa moyo mkunjufu hivyo fuata maelekezo yao.
11. **KWA MZAZI/MLEZI:** Mwanao achaguapo masomo ayawezayo mpe nafasi. Hili ni pale mtoto anapofika kidato cha tatu kuwa anaweza kuchagua moja kati ya masomo ya **Sayansi, Biashara** au **Sanaa**.

NB: MWANAFUNZI NA MZAZI/MLEZI JENGA UTARATIBU WA KUSOMA MARA KWA MARA MAELEKEZO YALIYOPO KWENYE FOMU HII.

Tunakukaribisha sana na kukutakia daima amani na maendeleo!

OFISI YA RAIS-TAWALA ZA MIKOA NA SERIKALI ZA MITAA

HALMASHAURI YA MANISPAA IRINGA

SHULE YA SEKONDARI MAWELEWELE

S. L. P 459, SIMU 0767425759 IRINGA - TANZANIA



FOMU YA KUANDIKISHWA

(a) Ijazwe na mwanafunzi: (Bandika picha sehemu uliotengewa)

PICHA YA

1. Jina kamili la mwanafunzi _____

MWANAFUNZI

2. Uraia _____

3. Dini _____


4. Tarehe ya kuzaliwa _____

5. Wilaya aliyozaliwa _____ Mkoa aliozaliwa _____

6. Yatima / Sio yatima _____

7. Mtaa unaoishi _____ Kata unayoishi _____

8. Umbali kati ya unapoishi na Shule ilipo (katika kilometa) _____



(b) Maelezo binafsi ya Mzazi / Mlezi (Ibandikwe picha ya mzazi/mlezi sehemu iliyotengewa)

1. Jina kamili la Baba Mzazi _____

2. Uraia _____ Namba ya simu _____

3. Jina kamili la Mama Mzazi _____

4. Uraia _____ Namba ya simu _____

5. Anayegharimia elimu ya kijana ni _____

6. Uhusiano wake na mwanafunzi ni _____

7. Mtaa anaoishi _____ Namba ya simu _____

8. Jina la ndugu wengine wa karibu wa mwanafunzi hapa mjini Iringa.

i) Jina _____ Simu _____ Uhusiano _____

ii) Jina _____ Simu _____ Uhusiano _____


9. Jina la Mwajiri wa mzazi/mlezi (anaye ishi na Mwanafunzi) na Idara _____

- Anuani : _____ Namba ya simu : _____

- Kazi ya mzazi / mlezi : _____ Mfano : Karani, Mkulima, Mwalimu n.k.

Sahihi ya mzazi / mlezi _____

PICHA YA
MZAZI/MLEZI



(c) Tamko la Mzazi/Mlezi (anaye ishi na Mwanafunzi)

Mimi _____ ninakubaliana na maelekezo yaliyotolewa na ninakubali mwanangu asome katika shule hii na naahidi kumtimizia mwanangu mahitaji yote yanayotakiwa kwa wakati na kushirikiana na Uongozi wa shule katika kuboresha masomo na mwenendo wa mwanafunzi huyu.

Saini ya Mzazi/Mlezi _____

PRESIDENT'S OFFICE
REGIONAL ADMINISTRATION AND LOCAL GOVERNMENT
IRINGA MUNICIPAL COUNCIL
MAWELEWELE SECONDARY SCHOOL

BOX 459, IRINGA

To be completed by a Government Medical Officer and returned to the Headmaster of Mawelewele Secondary School, P. O. Box 459, IRINGA.

To the Medical Officer,

Date: _____

RE: REQUEST FOR MEDICAL EXAMINATION OF

Please examine the above named youth as to her/his fitness to pursue studies at secondary school level as well as conduct other extra curricula activities as a day-school student.

.....
B. E. MBUNGU
HEADMASTER

MEDICAL OFFICER’S RECOMMENDATION:

I _____ have examined the above named student and considered that he/she is physically fit/unfit to pursue full time secondary studies.

- (a) Eye sight _____
- (b) Limbs _____
- (c) Hearing _____
- (d) Pregnancy (For Girls) _____
- (e) Speech _____
- (f) Venereal disease _____
- (g) Leprosy _____
- (h) Epilepsy _____
- (i) Other problems _____

Station _____

Designation _____

Date _____

Signature and stamp _____

SHULE YA SEKONDARI MAWELEWELE
TAARIFA YA MABADILIKO YA ADHABU KWA WANAFUNZI KUANZIA JANUARI 2020

UTANGULIZI

Sheria ya Elimu namba 25 ya mwaka 1978, sheria ya Elimu namba 5 ya mwaka 2007 na kanuni ya nne ya Elimu ya 2014 zimeainisha bayana makosa yanayoweza kusababisha mwanafunzi kusimamishwa au kufukuzwa shule. Bodi ya shule kama chombo kilichoundwa kisheria bado kinaendelea kutekeleza matakwa ya sheria hizi, kwa kuzingatia sheria ya Elimu namba 5 ya 2007 inayotoa mamlaka kwa bodi ya shule kufanya mabadiliko ya sheria, kanuni na taratibu za shule. Bodi katika kikao chake cha tarehe 03/10/2019 ilifanya mabadiliko kwa baadhi ya adhabu kwa wanafunzi watovu wa nidhamu baada ya kuona kuwa adhabu zinazotolewa hazileti mabadiliko chanya kwa wanafunzi. Mfano wanafunzi wanaopewa adhabu ya kusimamishwa masomo kwa muda huwa wanafurahia kwenda kukaa nyumbani na baada ya kumaliza kutumikia adhabu hiyo warudipo shuleni hawaonyeshi mabadiliko yoyote.

Pamoja na hayo bodi ilibaini kuwa walimu wanatumia muda mwingi kuwajadili wanafunzi watovu wa nidhamu. Pia wanafunzi wanapopewa adhabu, baadhi ya wazazi/walezi wanaonekana kutokuwa makini katika kusimamia na kufuatilia nidhamu ya watoto wao. Mabadiliko hayo ni kama ifuatavyo:-

- A. Mwanafunzi atakayejihusisha na mapenzi ikithibitika adhabu yake ni tofali ndogo za kuchoma 3,000 ndani ya siku 14
- B. Utoro wa rejareja, adhabu yake ni kuleta ream moja ya karatasi 500 kwa kila siku aliyotoroka (kwa mtoro wa siku 5 au pungufu). Zaidi ya siku 5 ataleta tofali ndogo za kuchoma 3000
- C. Kutochukua ripoti. Mzazi ambaye hatakuja kwa wakati kuchukua taarifa ya maendeleo ya mwanafunzi kitaaluma ataleta ream moja ya karatasi 500 kulingana na idadi ya siku alizochelewa
- D. Kuchelewa kufika shule baada ya saa 1:00 asubuhi, ikithibitika adhabu yake ni fagio kubwa ya chelewa na kuchelewa baada ya vipindi kuanza saa 1:40 asubuhi adhabu yake ni fagio moja laini ya sh. Sh. 3,000/=
- E. Kugoma adhabu, ikithibitika adhabu yake ni saruji yenye thamani ya tofali ndogo za kuchoma 3,000
- F. Kutokuja zamu wakati wa likizo, adhabu yake ni bati moja kwa siku gauge 28 (urefu mita 3)
- G. Kutovaa sare ya shule, ikithibitika adhabu yake ni kuleta saruji mfuko mmoja
- H. Kukutwa na simu au kifaa cha simu maeneo ya shule, ikithibitika adhabu yake ni tofali ndogo za kuchoma 3,000

NB: Adhabu zote hizi zitapaswa kutekelezwa ndani ya siku 14 kwani zaidi ya hapo adhabu itaongezeka

AHADI YA KUKUBALI MABADILIKO YA ADHABU

Nimesoma, nimeelewa na ninakubaliana na mabadiliko ya adhabu yaliyotolewa na Bodi ya shule. Ninaahidi kwamba **nipo tayari kutumikia adhabu hizo/nipo tayari kwa mwanangu kutumikia adhabu hizo**, mara itakapobainika kufanya makosa yaliyotajwa hapo juu

- (i) Jina la mwanafunzi kidato..... sahihi..... Tarehe
- (ii) Jina la Mzazi/mlezi Namba ya simu..... Sahihi
- Mahali anapoishi: Mtaa/Kijiji Kata..... Wilaya.....

SHAHIDI WA AHADI

- (i) Jina la Afisa Mtendaji wa Mtaa/Kijiji
- Na. ya simu Sahihi..... Tarehe..... Mhuri
- (ii) Jina la Afisa Mtendaji wa Kata
- Na. ya simu Sahihi..... Tarehe..... Mhuri

TANBIHI: Fomu hii lazima irudishwe shuleni siku ya kuripoti ikiwa imesainiwa na wahusika wote

.....
MBUNGU, B. E
MKUU WA SHULE